



Ruj Kami : APMM.W4.100-2/1/7 Jld 11 ( 23)  
Tarikh : 09 September 2022

## **SIARAN MEDIA**

### **BOT NELAYAN ASING INDONESIA CEROBOH PERAIRAN NEGARA**

**TANJUNG MANIS, 9 Sep** – Agensi Penguatkuasaan Maritim Malaysia (Maritim Malaysia), Zon Maritim Tanjung Manis telah menahan sebuah bot disyaki bot nelayan asing pada jarak lebih kurang 68 batu nautika Barat Laut Tanjung Jerijeh malam kemarin.

Pengarah Zon Maritim Tanjung Manis, Komander Maritim Gilbert Tinggak Anak Numpang berkata, pada 7 September lebih kurang jam 10.26 malam , Kapal Maritim (KM) SEMILANG dalam rondaan OP Permai di sekitar perairan Jerijeh telah mengesan sebuah bot nelayan yang tiada nombor pendaftaran pada bot dan sedang bergerak dalam keadaan mencurigakan.

Hasil pengeledahan dan pemeriksaan mendapati bot tersebut dikendalikan tekong dan seorang kru warga Indonesia berumur dalam 51 tahun dan 15 tahun, disyaki telah melakukan kesalahan di bawah Akta Perikanan 1985 iaitu menangkap ikan di perairan Malaysia tanpa kebenaran Ketua Pengarah Perikanan dan Akta Imigresen 1959/1963 kerana tiada pengenalan diri yang sah.

Melalui akuan mulut tekong, bot tersebut dipercayai berasal dari Natuna Besar, Indonesia. Kedua-dua kru bot berkenaan kemudiannya ditahan dan peralatan menangkap ikan serta sejumlah ikan turut dirampas.

Bot dan hasil rampasan diiring masuk ke Jeti Terminal Tanjung Manis untuk diserahkan kepada Pegawai Penyiasat bagi tujuan siasatan lanjut.

Sebarang aduan serta maklumat berkenaan dengan sebarang aktiviti yang mencurigakan di laut orang ramai boleh menghubungi Pusat Operasi Zon Maritim Tanjung Manis ditalian 084-613292 atau Pusat Operasi Maritim Negeri Sarawak di talian 082-432544 atau MERS 999 yang beroperasi 24 jam.

**Komander Maritim Gilbert Tinggak Anak Numpang**  
**Pengarah Zon Maritim Tanjung Manis**  
**Agensi Penguatkuasaan Maritim Malaysia**

**-TAMAT-**

---

Sebarang Pertanyaan, Sila Hubungi:

Pegawai Perhubungan Awam

Bintara Muda Maritim Maosucfi Badiyey

Tel : 019-8877342

Email : [sucfi\\_maritim@yahoo.com](mailto:sucfi_maritim@yahoo.com)